

欽定大清會典事例

欽定大清會典事例卷六百四十一

兵部

卹賞

卹賞綠營兵丁  
賞陣傷官兵

卹賞陣亡兵丁

卹

卹賞綠營兵丁。○雍正七年覆准奉派出征兵丁。紅事賞銀六兩。白事賞銀十二兩。○嘉慶十九年覆准。陝西省綠旗在營兵丁。如派赴各省征剿。紅事賞銀六兩。白事賞銀十二兩。至派赴各處聽調兵丁。照屯防之例。紅事賞銀四兩。白事賞銀六兩。如沿途病故。賞給本身白事銀六兩。其家中紅白事件賞銀。以該營接到該兵丁

病故文移之日停止。○道光四年覆准福建省綠旗營紅白事件。每歲額撥地丁銀三萬九千三十一兩六錢備賞。如有餘贍。入冊報撥。按年覈實題銷。○八年奏准陝西省綠旗營紅白賞項。歲支地丁銀七千五百兩。按年覈實題銷。○又奏准陝甘二省綠旗在營兵丁。紅事賞銀一兩四錢。白事賞銀二兩一錢。屯防及奉派各處聽調兵丁。紅事賞銀二兩八錢。白事賞銀四兩二錢。出征兵丁。仍照舊例。紅事賞六兩。白事賞十二兩。沿途病故。賞給本身白事銀六兩。○又

覆准陝甘湖南四川等省兵丁繼娶妻室及子嗣白事不准再給紅白賞項。又奏准山東省綠旗營紅白賞銀有閏之年額支銀八千兩無閏之年額支銀七千兩在地丁項下動用不准於歲額之外另有加增。又覆准湖南省綠旗各標營兵丁紅事賞銀一兩四錢白事賞銀二兩八錢。又覆准江西省綠旗營紅白賞項歲撥地丁銀三千三百二十兩遇閏加銀二百七十六兩六錢按年覈實題銷。十二年議准各省綠旗營紅白賞項山東有閏之年支銀八千

兩。無閏之年。支銀七千兩。在地丁項下動用。山

西歲支地丁銀一萬二千兩。後裁減二百河南

歲支地丁銀五千兩。後裁減一百四川歲支地丁銀

一萬五百九十五兩。後裁減一百五十廣東歲支地丁

銀二萬六千兩。後裁減四十廣西歲支地丁銀七

千八百七十二兩。後裁減一百貴州歲支地丁

銀一萬二千兩。後裁減二十○十四年奏准陝西

省綠旗營紅白賞項歲支銀七千三百四十九

兩八錢一分四釐。於扣存朋合項下動支。甘肅

省歲支銀二萬兩。隨同兵餉估撥。○十七年覆

准福建省內地綠旗營兵紅白賞項。歲支地丁銀一萬七千八百四十兩六錢。臺灣歲支地丁銀二千七百九十一兩。又覆准江西省綠旗各標營兵丁娶妻紅事。賞銀二兩一錢。娶媳嫁女紅事。賞銀一兩四錢。兵丁祖父母父母及本身白事。各賞銀二兩八錢。兵丁因差身故。賞銀三兩五錢。妻子白事。各賞銀一兩四錢。十九年覆准安徽省潁州營艾亭集添兵六十一名。歲需紅白賞銀四十兩。按年報部覈銷。二十年覆准山東省登州鎮添設戰兵三百二十

名守兵八十名。歲需紅白賞卹銀一百三十六兩。有閏之年。需銀一百五十五兩。在提裁驛站贍款內動支。○二十九年覆准。湖北省綠旗營紅白賞項。歲支地丁銀九千九百九十五兩三錢四分八釐。餘贍報部備撥。按年覈實題銷。○咸豐三年奏准。軍務繁興。部庫支絀。所有滿漢各營紅白賞卹銀兩。均一律停止發給。

卹賞陣亡兵丁。○順治初年定。出征陣亡八旗兵。各給卹賞。護軍領催及執纛人卹銀二百兩。甲兵一百五十兩。礮手一百三十兩。各部落通

事滿洲蒙古隨役並滿洲家下漢人充綿甲兵者。均一百兩。漢人隨役七十兩。○十二年議准八旗兵遠方出征除陣亡外。有不服水土病故者。卹銀二十兩。○康熙十三年題准綠營陣亡兵各給卹賞。馬兵卹銀七十兩。步兵五十兩。○十七年題准鄉勇助戰陣亡者。照步兵例減半給賞。陣前受傷者。照各等第減半給賞。○雍正十二年奏准沿海外洋。凡官兵巡哨及因公差委。如有遭風受困。沒水登岸。幸獲生全者。官准軍功加一級。外委於補官日加一級。兵丁並食



名糧之舵工水手。皆照軍功頭等傷例給賞。其或飄沒身故者。官以現在職任照陣亡例。分別廕贈。給予祭葬銀外。委及兵丁並食名糧之舵工水手。亦照陣亡分別給予祭葬銀。其奉調考驗之官弁兵丁。照軍功例減一等。凡船內舵工水手。有被淹身故者。如係雇募之人。照軍功二等例子卹。其擊碎之船。概免賠補。若係內洋巡哨因公差委。又停泊海口島嶼等處。或修造戰船。遭風擊碎。亦免賠補。其遭風受困幸獲生全者。官准軍功紀錄二次。外委於得官日紀錄。兵

丁人等照軍功二等傷例減半給賞。其飄沒身故者。官照陣亡例減一等。分別廕贈。減半給予祭葬銀。外委及兵丁等。亦照陣亡例減半給予祭葬銀。至應給祭葬銀。如無妻子親屬領受者。給銀二兩。該督撫提鎮遣官致祭。其在黃河大江洞庭洪澤等湖。皆係危險地方。官兵因公差委。及領運弁兵下埽人等。遭風受困。或幸獲生全。或飄沒身故。所有加級紀錄廕贈卹賞。皆照外洋之例行。此內旗丁與步兵同。○乾隆五年

諭朕覽兵部纂修則例。內稱從前進藏出兵之官兵。及

受傷病故官兵。所有豫借銀。免其追還。係出自特恩。未便纂為成例等語。朕思兵丁捐軀行陣。情實可憫。其豫借銀。理應豁免。若必待特降諭旨。恐其中不無一二遺漏。著為定例。凡遇此等事。該部即援例請免。則恩卹之典。可垂永久矣。○六年議准。陣亡及在軍前受傷病故兵丁。應得卹銀。如無親屬承受者。給銀二兩。該督撫提鎮委官致祭。○十五年覆准。水師並河營省分。嗣後因公淹斃兵丁。如僅止一二名。不必專案題請。先行動項卹賞。咨部存案。年底彙題請銷。○二十九年奏准出洋巡

哨差委官兵。遭風壞船。被溺身故。該督撫逐案題明請卹。如外洋內洋內河內江等處。因公差遣。或一二兵丁遭風溺故。並未壞船。該督撫照例動項。分別卹賞報部。歲底造冊彙題請銷。

三十二年

諭朕撫馭臣民。賞功罰罪。不使稍有失當。而於軍旅尤為慎重。向者西師之役。刑賞勸懲。不遺纖悉。天下莫不共見共聞。此等隨營士卒。日久未回。統軍大員。竟爾視同草菅。不得預錄功之典。將復何以用人集事。著將歷次打仗之陣亡官員兵丁。詳悉查明。奏請卹

賞。以昭激勸。其有雖非陣亡。而迷失不歸。及染瘴身故者。亦屬以死勤事之人。著一併查奏。候朕酌量加恩。用昭軍紀。○三十三年奏准。出征官兵行至五百里以外病故者。照例給予卹銀。其在五百里以內者。減半給予。若止行一二站病故者。毋庸給予。○三十八年題准。官兵凡因本傷身故者。如受傷銀兩。已經議給。即於議卹時將給過銀兩聲明扣除。其尚未議給受傷銀兩者。即歸入傷亡案內。照陣亡例給予卹銀。不復另給傷銀。其已得傷銀。續又打仗陣亡。與原傷無涉者。所有

應得卹賞銀兩。仍行兼給。毋庸扣除。○三十九  
年。覆准。陣亡傷亡兵丁。如子弟幼小。不能頂補  
名糧者。給予半餉。及成丁之後。有身患殘廢。篤  
疾。難應差操者。令該督撫查明。取結報部。准留  
半餉。以資養贍。如該故兵子弟成丁以後。情願  
入伍者。令其頂補名糧。住支半餉。其有別謀生  
理。不願充伍者。於成丁之日。將半餉銀兩。查明  
扣除。至此內陣亡故兵丁。僅有寡妻。例給半  
餉養贍終身。如有改嫁事故。即行扣除。○又奏  
准。前鋒親軍陣亡卹銀二百兩。甲兵卹銀一百

五十兩。未披甲礮手卹銀一百三十兩。各部落未披甲通事卹銀一百兩。○又奏准。戍守兵病故。照出征病故兵丁例。減半給賞。○四十一年。覆准。隨征官兵。砍伐木植。遞送文報等項。因公遇賊被掠。照陣亡例。減半卹賞。至放馬割草等項。私出被遮。均各身殞賊境。而情節不同。應照陣亡例。於減半之中。再為減半卹賞。○四十八年定。八旗陣亡官兵。再醮之婦。堅志守節者。一律給予半餉養贍。有子者。應俟伊子長成。當差所食銀米。足抵半餉之日。即行報部停止。無子

者支給終身。無妻而母尚在者。亦照例支給終身。仍將起支月日。並應支銀米數目。造入兵馬奏銷案內。報部覈銷。○六十年

諭。各處鄉勇能知大義。隨同官兵打仗。即與兵丁無異。嗣後如有殺賊陣亡者。即照兵丁之例議卹。○嘉慶

元年

諭。湖南省自勦捕苗匪以來。徵調各兵。打仗俱為出力。屢次加恩普賞錢糧鹽菜銀兩。茲聞該處山深箐密。晴雨寒燠不時。兵丁等染受瘴癘。致有疾疫。而屯土弁兵。不耐炎暑。因病身故者頗多。殊為惻然。該兵丁



等出力勦賊染疫身故。與尋常在軍營病故者不同。著即充姜晟等查明。除現在患病者。抽換回至辰州。俾資調養外。其有因瘴身故者。均著奏聞。照陣亡例。交部賞卹。並著先行傳知各兵。俾知感奮。以示朕軫恤勤勞格外施恩至意。○四年

諭松筠奏平利義首張奎等殺賊情形一摺。覽奏深為憐憫。六月內鄉勇在高河梁禦賊。義首張奎杜正貴首先衝入賊隊奮勇力戰。其死甚烈。徐名揚劉俊揚董興為賊裹去。罵不絕口。或被抉頤斷足。或被縛投火中。至死不屈。此五人深明大義。尤非尋常遇賊陣

亡者可比。均即以把總例議卹。又在金家山陣亡義首樊雄秀李興懷黃九公彭雲祥四名。均以外委例議卹。被擒脫回之吳大章亦著從優獎賞。以示鼓勵。其同時在高河梁陣亡被害鄉勇三百餘名。受傷五十餘名。及金家山陣亡鄉勇吳能仁等一百餘名。受傷三十餘名。松筠請一併造冊咨部。所奏甚是。均著加恩照例分別卹賞。因思教匪滋事以來。各省義勇鄉民率皆團練堵剿。保護地方。其不顧軀命。力犯兇鋒者。諒亦不少。而帶兵大員奏報義勇陣亡寥寥無幾。推原其故。總由地方官藉鄉勇之力以禦賊。戰勝

則冒為己功。甚至幕友親丁。皆得濫膺保薦。鄉勇轉不得與。即有陣亡被害者。以其非在伍之兵。匿不呈報。無由上聞。是鄉勇人等。殺賊既不能敘功。徒死亦毫無贈卹。何以慰忠魂而勵士氣。豈不思鄉勇皆朕之赤子。為國出力。力戰被戕。焉有父視子亡。不加憐憫者乎。今徐名揚等陷賊後。激於義憤。甘以身殉。死事之烈。實堪憫惻。可見我國家深仁厚澤。惠養黎元。小民具有天良。皆知敵愾同仇之義。故能捐軀報國。視死如歸。由是推之。即賊中脅從之人。亦朕赤子。未必盡陷溺本心。甘附逆黨也。嗣後各路鄉勇。儻有打

仗陣亡。俱著照松筠所奏一體議卹。以副朕嘉獎義士激勵民風愛民如子至意。○又奏准軍營領催人等。委署官職打仗陣亡。其並非額缺。不過便委空銜。仍照伊等本身給予應得卹銀。○又奏准八旗閒散。遇有受傷陣亡。照依八旗披甲卹賞之例減半給予。○六年奏准隨征兵丁因病遣回。或旋師回營。在途遇有事故。以致殞命者。照陣亡例減半之半。給予卹賞。○又奏准兵丁陣亡。奉

旨加等議卹。從優議卹者。如係甲兵。照前鋒護軍領

催例。給銀二百兩。前鋒護軍領催。照七品以下官例。給銀二百二十兩。係步兵。照馬兵例。給銀七十兩。馬兵。照外委例。給銀一百兩。究非職官。毋庸議給世職。○又奏准。八旗陣亡閒散餘丁壯丁。卹銀七十五兩。隨征官兵跟役。係本身子弟。亦照此例。如係奴僕跟役。卹銀三十七兩五錢。○又奏准。鄉勇打仗陣亡傷亡。照步兵例。卹賞。其打仗受傷。亦照兵丁打仗受傷例。減半賞給。其中文武生員監生。隨同打仗陣亡傷亡者。照馬兵例。卹賞打仗受傷。即照兵丁受傷之例。

給予。○又奏准大洋大江及內洋內河官兵因公差委。及奉調考驗。在途猝遇盜匪。如能奮不顧身。殺賊捐軀者。俱照巡洋官兵擒盜被害之例。減半給予卹賞銀兩。官員減一等給予廕襲。若猝然遇賊被害者。非擒盜被害可比。照因公殞命減半之半。給予卹賞銀兩。毋庸議給廕襲。至駐防水師官兵。在洋巡哨。因擒拏盜匪被賊戕害者。俱照陣亡例。給予卹賞銀兩。三品協領以下。及有頂戴以上官員。俱給予雲騎尉世職。襲次完時。給予恩騎尉世職。應得祭葬。行文禮

工二部議奏應得

敕書。移咨吏部辦理。○又奏准官兵出洋巡哨。遭風飄沒身故者。馬兵給銀七十兩。步兵給銀五十兩。舵工水手食名糧者。照步兵例給賞。如係雇募之丁。給銀二十五兩。兵丁人等應給之銀。如無妻子親屬收受者。該督撫等委官致祭。○八年

諭。額勒登保等奏陣亡病故受傷民壯。懇請照鄉勇例議卹一摺。向來民壯陣亡傷故。例無議卹專條。但念該民壯等俱係挑派隨營殺賊衝鋒。勤勞王事。與鄉

勇團勇等原無區別。所有軍營陣亡受傷及立功後病故各民壯俱著加恩照鄉勇議卹之例一體咨部給予卹賞以昭激勸。○又

諭兵部奏請定亡故兵丁眷屬及曾經打仗受傷年老病休人員給餉章程。均由各該州縣加結具報以杜冒濫一摺。所奏甚是。已依議行矣。陣亡病故兵丁眷口無倚及子弟幼小不能食糧者每月給予半餉以資養贍。俟該亡故兵丁子弟年至十六歲以上報部截支。向例僅令同省營員結報恐有瞻徇。或眷屬尚有依靠而捏報無所倚恃。或將子弟少報年歲。豫為



日後冒領地步。或子弟年已及歲。並續有亡故。隱匿不行截支。俱未可定。至曾經出兵打仗受傷。年老病休各員。給予俸餉。原因其並無產業。及別項營運。是以格外施恩。俾得餬口。第恐地方不肖書吏。於伊等詳報時。藉端訛索。遇有力之家。得受賄賂。使之濫行支領。其實在無力。應行具報者。轉以無錢使費。致有遺漏。假公濟私。有名無實。殊非覈實辦公之道。地方州縣於所屬亡故兵丁眷屬。有無倚靠。子弟曾否及歲。並年老病休人員。有無產業。易於查察。自應責令各該州縣切實詳查。加具並無扶同捏冒遺漏印結。

送部覈辦。儻各該州縣不能據實確查。任聽書吏舞弊。蒙混具報。著該管上司嚴行查叅。以期官兵皆邀實惠。帑項不致虛糜。用副朕覈實施仁至意。○又奏准打仗陣亡鄉勇。或因保護城池官派打仗。或跟隨該管文武外出打仗。實在奮勇。殺賊較多者。准照陣亡例議卹。其雖係官派打仗。或殺賊無幾。或殺賊無據。及並未殺賊者。照陣亡例減半議卹。其自衛卹堡與賊格鬪。力屈陣亡。准其一體入祀該處昭忠祠。不必議給卹典。○十二年奏定。凡官員兵丁出征。於打仗時。失足滾崖。

落水查明實係殞命無疑。及打仗被掠迷失衝失未出。查明實係被害者。官員照陣亡例議卹。兵丁照陣亡例給賞。其被掠迷失衝失未出官兵。如查明實在無著。令領兵各員出具並無脫逃印結送部。照陣亡例減半給予卹賞銀兩。若該員曾經打仗立功。仍照軍營病故例按其立功等第。給予廕監。其未經立功者。毋庸給予廕監。○又奏定綠營額外外委陣亡。照馬兵例卹銀七十兩。餘丁陣亡。卹銀二十五兩。奏准召募新兵陣亡者。照步兵例卹銀五十兩。向例陣亡

兵丁應給之銀並無妻子親屬承受者給銀二兩。該督撫提鎮委官致祭。所有在軍營傷亡病故打仗迷失衝失未出及因公被害兵丁應給之銀並無妻子親屬承受者亦照此例辦理。○又奏定鄉勇立功後病故者向照兵丁例減半議卹。其因公差遣被賊戕害者亦照步兵例減半議卹。應給之銀並無妻子親屬承受者給銀二兩。該督撫等委官致祭。○又奏定綠營官兵跟役子弟奴僕陣亡向無議卹明文即照八旗卹賞之例酌予卹賞。凡出師官兵本身子弟隨

同打仗陣亡者。照步兵陣亡例。減半議卹。如係奴僕隨同打仗陣亡者。照步兵例減半之半卹賞。○又奏定。出征陣亡病故兵丁之子弟成丁後。如有身患殘廢篤疾。不能自謀生業。該督撫咨部請仍留半餉者。業經戶部會同奏明。准其仍留半餉在案。嗣後凡官員出征病故。及兵丁陣亡病故。其所遺眷口。如並無子弟及子弟幼小無可倚靠者。給予半餉。後其子弟年至十六歲以上。堪以入伍食糧。並有別項營運可以謀生者。仍照舊例截支外。若子弟已經成丁有身

患殘廢篤疾。不能頂食名糧。又無別項營運。可以謀生者。該總督巡撫切實查明。取具營縣文武員弁印結送部。准其仍留半餉。以資養贍。若子弟成丁。頂食名糧後。又經病故。如尚有遺存眷口。亦准報明取結咨部。仍給半餉。以資養贍。其有次子次第者。仍照舊例。俟年至十六歲以上。截支。至打仗未出。迷失弁兵。減半議給半餉者。亦均照此例覈辦。○十七年

諭汪志伊等奏臺灣換回弁兵。在洋遭風淹斃一摺。據稱此次臺灣換回之督標五營四起弁兵伍得喜等

配坐商船。於二月初七日夜在澎湖洋面陡遇暴風。至外洋小金嶼地方。衝礁擊碎。淹斃弁兵及水手人等一百餘人等語。可憫之極。不忍覽視。向來官兵因公差委遭風飄沒者。係照巡洋官兵淹斃之例辦理。此次淹斃弁兵九十餘員名內。如有曾經出兵打仗及殺賊受傷者。著該督撫查明。加恩照陣亡例賜卹。該弁兵等均有名冊可稽。即據實查覈。毋稍冒濫。其未經出兵受傷。仍照巡洋例議卹。嗣後弁兵設遭風淹斃。均著照此例分別覈辦。至其餘淹斃水手及鳧水得生兵丁。仍照例卹賞。沈失官製軍械。均查明照

例咨部辦理。再海洋風濤危險。官兵遠涉。亦應加以慎重。著該督撫飭知各將領。於往來配渡時。均宜察看風汛。詠吉開行。俾資順利。毋得冒險輕涉。致有疏虞。欽此。遵

旨議定。巡洋官兵遭風淹斃。如有曾經出兵打仗及殺賊受傷者。照陣亡例議卹。其未經出兵受傷。仍照巡洋例議卹。○道光二年奏定。滿營官兵派赴新疆等處戍守。在防所病故。三四品官卹銀二十五兩。五六品官卹銀二十兩。七品以下官卹銀十五兩。兵丁卹銀十兩。如行至五百里以



內。途次病故者。照此例減半卹賞。若止行一二站者。毋庸給予。○咸豐四年

諭。逆匪經過地方。陣亡鄉勇。例得請卹。其有激於義憤。殺賊殞身者。無論防勦土匪逆匪。准令紳民於各該地方建立總坊。一併題名。並從祀各州縣忠義祠。以昭激勸。至有闔家男婦同時殉難者。並准照總坊例。聽其自行另建一坊。以示表異。其婦女恐被玷辱。捐軀明志者。准其從祀節孝祠。以慰忠魂。○九年奏定。鄉勇隨同官兵打仗。殺賊立功。續經打仗陣亡。傷亡者。照步兵例議卹。如並未殺賊立功。及因

公差遭遇賊戕害者。照步兵例減半議卹。打仗受傷者。按其受傷等第。照兵丁打仗受傷例減半給賞。立功後病故者。亦照兵丁例減半議卹。其鄉勇中有文武生監及文武童生隨同打仗陣亡傷亡病故受傷及因公差遭遇賊戕害者。生監均照馬兵例分別給卹。童生仍與鄉勇同照步兵例分別給卹。各州縣額設民壯打仗陣亡傷亡者。照步兵例議卹。因公差委遇賊戕害及立功後病故者。均照兵丁例減半議卹。打仗受傷者。照兵丁例減半給賞。鄉勇民壯陣亡傷

亡病故及因公差委遇賊被戕應給之銀並無  
妻子親屬承受者給銀二兩。該督撫等委官致  
祭。○又奏定文武童生及庶民人等自衛鄉堡  
查有殉難尤烈雖非隨同官兵實係打仗殺賊  
陣亡者照鄉勇因公差遭遇賊戕害例減半給  
卹銀其罵賊被戕不屈自盡並非打仗陣亡者  
毋庸予卹。由該督撫請旌准其入祀該處昭忠  
祠。○同治三年奏定陣亡舉人及恩拔副歲優  
貢生無論已未就職仍照把總經制外委例給  
卹銀一百兩應得廕襲知照吏部辦理。

卹賞陣傷官兵。○順治初年定。八旗兵丁陣傷者。分別給賞。頭等傷給銀五十兩。二等傷四十兩。三等傷三十兩。四等傷二十兩。五等傷十兩。若被遠礮中傷者。一等至四等。各遞減銀十兩。五等減五兩。滿洲蒙古從役被傷者。頭等傷給銀三十兩。二等傷二十兩。三等傷十兩。四等傷五兩。五等傷二兩五錢。各部落未披甲通事。並滿洲家下漢人披綿甲兵者。俱照甲兵被傷例。若被遠礮中傷者。頭等二等傷減銀十兩。三等四等傷各給五兩。向敵人放礮被火藥誤傷者。

照從役被傷例。至漢人從役頭等傷給銀二十  
一兩。二等傷十四兩。三等傷七兩。四等傷四兩。  
五等傷二兩。被遠礮中傷亦照此例。○又定出  
征被傷殘廢之人。除照陣亡例減半給賞外。或  
雙目不見。或兩手不能展動。或兩足不能行走  
及聲啞者。除照陣亡卹賞各等次給一半外。加  
銀三十兩。一手一足脫落者。加銀二十兩。若傷  
一目。或兩目。或一手不能展動。一足不能行走  
或兩耳聾蔽者。加銀十兩。或一手有一二指不  
能屈伸。難以持弓。或足癢。或齒折一半。言語不

清者照陣亡卹賞各等次給予一半。或傷手一  
二指。或傷足未瘡。或折傷三四足指。或一耳聾  
蔽者。照給半例。再減銀十兩。此等傷痕俱令該  
都統副都統參領佐領驍騎校等驗明具結咨  
部。十年題准綠營官兵陣傷者頭等傷給銀  
十兩。二等傷八兩。三等傷七兩。四等傷六兩。五  
等傷五兩。康熙三年題准頭等傷給銀二十  
五兩。二等傷二十兩。三等傷十五兩。四等傷十  
兩。五等傷五兩。十三年題准綠營兵丁在陣  
受傷者頭等傷給銀三十兩。二等傷二十五兩。

三等傷二十兩四等傷十五兩五等傷十兩。二十年題准出征傷殘之人俟回京三年後照該旗咨送緣由驗看傷廢果符分別具題照例卹賞。三十二年

諭凡在軍前受傷殘廢者雖給一半陣亡卹賞若不得錢糧難以生理伊等雖不能執弓猶可行走著於南苑門軍倉庫等處老軍缺補用令食錢糧其曾為護軍校駝騎校內猶可行走者著於各館頭目副頭目缺補用。又奉

旨官弁兵丁有擒拏盜賊中傷者皆照陣傷例分別卹

賞。○五十二年議准。官員兵丁有擒拏盜賊中傷。平復能當差者。仍照陣傷例給賞。若中傷殘廢不能復當差者。照八旗兵丁例減半給賞。○乾隆三十九年奏准。出征陣傷之人。分別一二三四五等給賞。受浮傷者。照五等傷減半給予。未分等第官兵。俱照三等傷例給予。○四十六年議准。向例軍營打仗受傷官兵。分為五等。所定期懸殊。今將一二三等傷。分別酌定正限餘限。其四五等傷名目。概行刪除。凡兵丁在餘限內傷發亡故者。即照原傷等第再行加賞。如係八



旗兵丁。一等賞銀五十兩。二等四十兩。三等三十兩。綠營兵丁。一等三十兩。二等二十五兩。三等二十兩。以示優卹。○嘉慶六年奏准。閒散餘丁壯丁。及隨征官兵跟役。係本身子弟打仗受傷者。頭等傷給銀二十五兩。二等傷二十兩。三等傷十五兩。未分等第者。照三等傷給予。若被遠礮中傷者。各減銀五兩。各部落未披甲通事。俱照此例。奴僕跟役隨征打仗受傷者。頭等傷給銀十二兩五錢。二等傷十兩。三等傷七兩五錢。未分等第者。照三等傷給予。○又定巡洋官

兵如有遭風受困。浮水登岸。扶板遇救。幸獲生  
全者。官准軍功加一級。兵丁及舵工水手俱照  
軍功頭等傷例。給銀三十兩。至內洋內河因公  
差委。及停泊海口島嶼等處。修造船隻。遭風受  
困。幸獲生全者。官准軍功紀錄二次。兵丁人等  
照軍功二等傷例。減半給銀十二兩五錢。○道  
光二十二年議准。演礮炸裂。及火藥局失火傷  
斃兵丁。俱照陣亡例。減半給予卹賞。○咸豐四  
年

諭。嗣後除受傷不及三處。尚未殘廢。仍不准給俸外。如

傷雖一處。而實係殘廢者。著各路統兵大臣。及各旗營大臣。並各省督撫。確切查明。取具冊結。送部。該部即援照受傷三處。可否給予半俸之例。奏明請旨。

欽定大清會典事例卷六百四十二

兵部

恤賞

恤賞退休官兵

恤賞退休官兵。○順治年間定八旗武職六十年分題請賞給半俸。其年未至六十告病解任者不准內務府佐領及王公府屬佐領並子弟襲職官員皆不准給。○康熙三十二年

諭凡在軍前受傷殘廢兵丁雖給一半陣亡恤賞。但不得錢糧難以生理。伊等雖不能執弓猶可行走著以

看守南苑倉庫等處兵丁補用。其曾為護軍校驍騎校猶可行走者。著以各館廩長牧副補用。○雍正元

年

諭。國家保障封疆。惟武臣是賴。參將以上。責任尤重。其  
年老有疾。不能料理。以致營務廢弛者。自難姑容。但  
其間或有久任戎行。曾著勞績者。情亦可惜。嗣後參  
將以上有老疾之人。該督撫提鎮照例題參。仍將從  
前行開效力之處。數明奏聞。朕酌量加恩。以示篤念  
舊勞之意。○乾隆二年。奏准老病乞休各官。數明曾  
經出征臨陣受傷得有功牌者。請

旨令其原品休致給以全俸以養餘年其出征並未  
禦敵及無功牌者請

旨令其原品休致給以半俸。○又議准八旗兵丁曾  
在軍前得過軍功後因患病退甲或傷殘退甲  
及六十歲以上年老退甲者交該都統等詳覈  
驗實無論有無房產及子孫現在食餉者均每  
月給銀一兩米一斛以養餘年若在軍前行走  
並未出戰立有軍功者亦交該都統等覈實如  
該兵既無房產又無子孫食餉無可倚藉者每  
月給銀一兩以養餘年。

盛京等處駐防兵止准給銀不給米。以上應給養  
贍之退甲兵丁由各都統將軍副都統等報部  
由部每月彙奏。若未經效力捏飾咨送及未至  
衰頹尚堪披甲之人希圖坐食錢糧捏稱有病  
傷殘年老退甲者本人鞭一百革退該管佐領  
驍騎校罰俸六月不行詳查之參領協領罰俸  
三月都統將軍副都統罰俸一月。又議准綠  
營兵丁曾經行閒效力後因年老辭退並無子  
孫食糧該督撫查明實係不能養贍者報部准  
給守糧一分以養餘年。○又議准八旗兵陣亡

及傷廢亡故。其妻子無養贍者。該參佐領驍騎校具結送都統咨部。每月准給一半銀米。保送不實者。佐領驍騎校罰俸三月。參領罰俸二月。都統副都統罰俸一月。○又議准綠營兵丁。曾經出征效力。身故之後。其子幼弱不能充伍者。月給銀五錢。若親老妻寡無子者。月給米三斗。○七年奏准八旗內外一二品大臣。因老病自行奏請休致。奉

旨。准令原品致仕者。該旗將伊軍功及食俸年分查明。或給食全俸。或給食半俸之處。具奏請



旨。若非自行奏請奉

旨令其原品休致者。不給俸祿。○又奏准八旗內外  
三品以下官員。有年至六十以上。因老病告休。  
曾經出征打仗受傷。及有功牌者。請

旨令其原品休致。給予全俸。其出征並未打仗。及無  
功牌者。請

旨令其原品休致。給予半俸。五十歲以上病廢告休。  
有曾經出征打仗。得有功牌者。准其原品休致。  
將可否賞給半俸之處。具奏請

旨。雖經出征。並未打仗。及無功牌者。准其原品休致。

毋庸議給俸祿。其年僅四十以上。患病告休。雖出征打仗得有功牌。亦准其原品休致。毋庸給予俸祿。至旗人曾任綠營武職。休致歸旗者。亦照此例。○又奏准。八旗內外二品以上有職任大臣。老病請休者。自行陳奏。其餘老病告休官員。曾經立有軍功。應給全俸半俸者。在京由該旗具奏請

旨。在外由該將軍等具題。兵部具奏請

旨。其並未出征。及雖有軍功。年僅四十以上。患病告休者。在京由該旗具奏。在外由兵部彙題。均准

原品休致。○又奏准都司以下員弁。有以老病告休者。該督撫提鎮查明該員實有出兵效力之處。於題咨內分別聲明。准其休致。令子弟一人入伍食糧。無子弟者給守糧一分。以資養贍。○又奏准前鋒護軍另戶領催披甲人等。因老病退甲。例給銀米。以養餘年。其游牧地方居住之人。俱不准給。○二十三年

諭旗員與綠營迥別。是以一切條例亦皆大相懸殊。現今旗員有願就綠營者。不過因所得較旗員稍優。遂不顧顏面。一切置之漠然。惟以得外任為快。則伊等

既至外任。或退任。或終於其任者。即當照綠營官員辦理。乃回旗之後。又以身係旗人。微幸照旗員例辦理。朕為伊等愧之。嗣後旗人補授綠營後。或於某任休致。或終於某任。即照某任例辦理。永著為例。○二

### 十八年

諭。所有曾經出征官員。年老有疾。呈請休致。可否給予俸餉之處。令其奏請者。原為視其勞績施恩。是以每逢具奏時。或賞全俸。或賞半俸。朕皆視其勞績。明降諭旨。此內或徒有防守戍兵。而別無勞績者。朕降旨知道了。是皆不准給予。從前八旗有如此錯行給予。

者。理應著落伊等賠還。但事屬已往。著加恩免其追賠。嗣後如降旨知道了。即毋庸給予俸餉。○二十九年。奏准綠旗出征效力兵丁。被傷患病。致成殘廢。或年老辭退。該督撫查明。如有子孫在營食糧者。月給餉米三斗。無子孫食糧者。給予守糧一分。均以離營之日支給。○又奏准出征陣亡病故兵丁。其子弟內有可以訓養成材者。即令頂補本兵名糧。如並無子弟眷口無倚及子弟幼小。不能食糧者。每月給予半餉銀五錢。米三斗。不扣小建朋銀。遇閏加增。其有子弟幼小者。

俟年至十六歲以上。堪以頂補食糧。即行截支。其無子弟者。俟該故兵現存之眷屬亡故之日。截支。○三十五年奏准。旗員內外三品以下。有年老患病。不肯告休。或入於軍政案內。並隨時糾叅者。無論年歲。及曾否出兵打仗。俱勒令休致。不得妄行題請給俸。○三十八年

諭。此次征勦金川。調到各省綠營官兵。屢著勞績。今以殘廢回營。若遽將伊等名糧開除。使其不能藉升斗以自給。殊非所以示體恤。著諭令查明此項因傷遣回殘廢兵丁。如實在不能操演技藝者。不妨令其充

當看守門庫等項差使。如並此不堪驅遣者。即令其子弟頂補名糧。若無子弟可補者。仍給予守糧一分以贍其家。俾得共資餽給。安養餘年。○又奏准。陣亡病故兵丁。其子弟幼小。頂補父兄馬糧。難任差操。俱應頂食步糧。○三十九年奏准。八旗六品以下官員。呈請休致者。該處大臣毋庸具奏。將該員立有軍功之處。造冊送部。應否給予俸祿。兵部查覈具題。○四十年題准。告休官員。遇有出兵效力。應行請給俸餉者。務須遵例覈實辦理。不得僅據本員開報事蹟。即為題請。以昭詳

慎○四十二年奏准軍營病故官員如伊子年  
甫數齡家無次丁遺妻無倚照出征病故兵丁  
家口無倚之例給予半餉以資養贍仍俟伊子  
成丁之日即行住支○又奏准告休各員奏請  
賞給全俸半俸者其所兼世職概毋庸另襲仍  
留該員本身俟伊身故後再行照例辦理如兼  
世管佐領者佐領有辦事之責不便仍留本身  
應令照例承襲如係伊子承襲毋庸另行請俸  
如係兄弟之子承襲聲明緣由將應給全俸半  
俸之處具奏請



旨遵行。○四十六年

諭向來各省駐防滿洲已安居百有餘年。京城並無伊等近族。而京城滿洲生齒日繁。若准其進京。無以為生。反為無益。是以概不准其來京。自開闢新疆。分派官兵前往駐紮以來。在京滿洲陸續駐防各省者甚多。此內亦有派往駐防時。因子弟在京當差。仍留在京者。如伊在駐防處年老退休。並無依倚之人。即不免失所。朕心深為不忍。嗣後各省新派駐防人員內。如有年老退休。實無依倚之人。京中尚有子嗣。意欲就養者。該處將軍等查明。令其回京就養。但一概由

官辦理回京。則不願在彼之人。不無藉端皆欲回京。反非朕愛惜旗人之意。其年老退休。欲回京就養者。著令自備資斧來京。不必官為辦理。著為令。○四十

七年

諭旗人錄用外任。或因年老有疾。不能當差。自應呈請回旗。方不失滿洲淳樸之風。如仍復戀職。不自呈請。以致該上司勒令休致。尚何顏面耶。嗣後旗人外任。自請回旗者。如本有世職人員。令該旗據實驗明。尚能當差。著加恩仍留世職。給予全俸。如係勒令休致者。即伊本身雖有世職。亦不給俸。將此通諭八旗。永

著為例。○四十九年

諭。向例武職旗員。年至六十以上。老病告休。曾經出兵打仗受傷者。皆加恩給予全俸。其綠營並無此例。惟念綠營人員。既能效力行間。打仗受傷。為國家出力。後因老病告休。不能與旗員一體邀恩食俸。未免向隅。朕於滿漢官員。從無歧視。嗣後綠營告休人員。除未經受傷者。仍照向例辦理外。其年屆六十以上。因老病乞休。曾經打仗受傷者。俱著照旗員之例。一體給予全俸。著為令。以示朕優恤戎行。一視同仁至意。

○又奏准八旗綠營陣傷亡故兵丁。所遺妻子。

家無養贍者。每月例給一半銀米。如係打仗未  
出迷失衝失。照陣亡例減半議卹者。於一半之  
中。再減一半給予。○又奏准千把外委打仗受  
傷。續經辭退勒休者。給步糧一分。以資養贍。守  
備以上。照旗員例。一體給予俸祿。年六十以上  
者。給予全俸。五十以上者。給予半俸。令各該督  
撫查明分別年歲。及打仗受傷事蹟。造冊送部  
覈辦。○又奏准八旗內外一二品大臣。奏請休  
致。該旗將伊軍功及食俸年分查明咨部。兵部  
將或給食全俸。或給食半俸之處具奏請

旨。至三品以下及五品以上。老病告休者。在京旗員。由該旗奏請休致。其曾經出征立功。應給全俸半俸之處。均由該旗造冊咨部察覈具奏。請

旨遵行。○五十四年議准。伊犁八旗領催披甲人等。有曾經出兵打仗。立有軍功。或年老有疾。不能當差。具呈告退者。每名月給銀一兩。以養終身。○五十九年奏准。內外八旗三品以下官員。因老病告休。曾經出征打仗。殺賊捉生受傷者。年至六十以上。俱以可否賞給全俸請

旨。五十以上者。俱以可否賞給半俸請

旨。其出征打仗而未經殺賊捉生受傷及出征未經打仗而得有功牌者。並出征三次以上。未經打仗者。年至六十以上。俱以可否賞給半俸請旨。五十以上。俱以可否賞給半俸之半請旨。

旨。均准其原品休致。其出征僅止一二次。並未打仗。及未得有功牌者。准其原品休致。毋庸給予俸祿。○又

諭。新疆告休官員。該將軍大臣等。即照例或給全俸。或給半俸。咨部查覈給予。於年終彙題一次。○又奏准各省駐防及東三省察哈爾新疆等處三品以

下六品以上。告休革退官員內。有應行請俸者。均令該管大臣查明該員年歲。及出兵打仗受傷次數履歷。造冊咨部。覈議彙題。其毋庸議給俸祿者。咨部入於半月彙題。○又奏准旗員補放綠營。續因患病告休。如年在五十以下。曾經出征打仗受傷得有功牌。查明並無子嗣產業可倚者。給予馬甲錢糧一分。以資養贍。○嘉慶四年奏准告休人員賞給俸祿。原以功績為重。如其功績較優。自可特加褒恤。向來三品以下官員。年在六十以上者。於殺賊捉生受傷三項。

勞績中。有一二項。即得照例給予全俸。而年至五十以上。於殺賊捉生受傷三項勞績俱全者。乃因其年未及六十。甚有五十九歲。其短不過數月。僅得照例給予半俸。相形未免失均。嗣後遇有殺賊捉生受傷各項功績俱全者。年至五十以上。即以可否賞給全俸請

旨。以示優獎。若僅止出征二三次並未打仗。亦未得有功牌者。雖年在六十以上。亦止准其原品休致。毋庸給予俸祿。以示裁制。○五年奏准八旗兵丁。出征立功。因病廢解退者。統以年至五十



以上作為定例。令該管大臣查驗。造具打仗事蹟。聲明年歲報部。覈其年在五十以上。著有勞蹟。彙題請給養贍。若年未五十。而以病廢告休者。雖曾在軍前立功。仍令該管大臣查明該兵實無房產子嗣可倚。始照例每月給銀一兩。以資養贍。若尚有子嗣。現食糧餉者。即可毋庸給予。○六年奏准綠營提督總兵。有因老病奏請休致者。悉照八旗一二品大臣例辦理。○又奏准綠營副將以下守備以上官員。因老病告休。准其原品休致。其曾經出征打仗受傷者。無論

有無殺賊捉生。年至六十以上。以可否賞給全俸請。

旨。五十以上。以可否賞給半俸請。

旨。如出征打仗殺賊捉生受傷各項功績俱全者。年至五十以上。亦以可否賞給全俸請。

旨。若非自請告休。經該管上司勒令休致者。不准食俸。○又奏准內外旗員曾經出征立功。年未五十告休者。如無子嗣產業可倚。均給予馬甲錢糧一分。以資養贍。○又奏准東三省原食半俸旗員。因老病告休。其曾經出征打仗應行請俸。

者。該管大臣將該員年歲出兵勞績及原食半俸之處。於題咨內聲明報部覈議。如例應請給全俸者。准給予原食半俸。應請給半俸者。給予原食半俸之半。應請給半俸之半者。給予原食半俸之半再減一半。其原係無俸之員。因老病告休。雖經出征打仗。止准以原品休致。毋庸給予俸祿。○又奏准。守備以上官員。有老病告休。曾經出征打仗立功。年在五十以上。因未受傷。不准給俸。及出征打仗受傷。年未五十。不准給俸者。該督撫提鎮查明該員實無產業可倚者。

令子弟一人入伍食糧無子弟者給予守糧一分以資養贍○又奏准千把外委曾經出征打仗因傷疾舉發或年老力衰以致弓馬生疏不能差操經督撫咨革勒休者該督撫查明該弁實無產業可倚及無子嗣在營食糧亦給予守糧一分以資養贍若有子嗣產業可倚並軍政案內休革及緣事斥革者均毋庸給予○又奏准退甲兵丁例給養贍如有捏報等弊本人鞭一百革退該管佐領防禦驍騎校查驗不實降一級留任不行詳查之參領協領罰俸一年都

統將軍副都統罰俸六月。○九年奉

旨。兵部議奏。特清額甄數年老技庸之副將等員。請照例勒休一摺。內有副將舒隆阿。曾出師三次。受傷七處。此等打仗人員。其自請告休者。向例給予半俸。今舒隆阿係勒休之員。是以兵部聲明毋庸議給俸養。但念其屢次隨征。受有多傷。著加恩仍給予半俸。以養餘年。嗣後勒休武職人員。其有出征受傷在三處以上。又無貪私劣迹者。無論年歲。俱給予半俸。著纂入則例。用示朕眷念戎行恩施格外至意。○十一年奏准勒休人員已蒙

恩旨。覈其受傷在三處以上者。不論年歲。俱給予半俸。其年未五十告休人員。打仗受傷在三處以上者。即照勒休人員之例。一體給予半俸。其辭退休革千把外委。曾經受傷在三處以上者。亦應遵奉

恩旨。無論年歲。覈給步糧守糧。○又奏准出征打仗效力兵丁。年老與殘廢。自係兩種情節。其年在五十以上者。固當無論曾否殘廢。給以養贍。若殘廢而年未五十者。均屬出師效力。以致殘廢。不能別謀生計。自未便限以年歲。致令向隅。嗣後

受傷患病。致成殘廢兵丁。無論年在五十上下。均准給予守糧。○十二年奏定。副將以下守備以上官員。如打仗受傷在三處以上者。無論年歲及告休勒休。均以可否賞給半俸請

旨。其受傷不及三處。並因貪私劣迹糾衆者。仍毋庸給予俸祿。至千把外委。曾經出師打仗受傷。續經辭退告休。年在五十以上者。給予步糧一分。以資養贍。其曾經出征打仗。因傷疾舉發。或年老力衰。以致弓馬生疏。不能差操。經督撫咨革勒休者。仍照例給予守糧一分。如該弁打仗受

傷。有在三處以上。毋庸論其年歲。係辭退告休者。給予步糧一分。若因弓馬生疏。咨革勒休者。給予守糧一分。以資養贍。其休革各弁。如有產業可倚。並有子嗣在營食糧。及貪私劣迹。斥革者。均毋庸給予。○道光二年奏定。軍營得有殘疾。駁回之人。若係打仗殺賊受傷。得有功牌者。該管大臣准其辦給整分錢糧。如打仗殺賊。得有功牌者。准其辦給披甲糧餉。照常行走者。駁回該旗。仍照例辦理。